



Llywodraeth Cymru
Welsh Government

Pecyn gwybodaeth i ymgeiswyr

**BWRDD CYNGHOROL DATBLYGU
DIWYDIANNOL CYMRU
(WIDAB)**

Penodi Cadeirydd

**Dyddiad cau:
01/03/2019**



Rheoleiddiwyd gan y
Comisiynydd Penodiadau
Cyhoeddus

BWRDD CYNGHOROL DATBLYGU DIWYDIANNOL CYMRU (WIDAB)

Cynnwys

Tudalen 3 - Gwneud Cais

Tudalen 5 - Atodiad A: Rôl Cadeirydd

Tudalen 7 - Atodiad B: Rôl a chyfrifoldebau WIDAB

Tudalen 9 - Atodiad C: Y broses ddethol

#

BWRDD CYNGHOROL DATBLYGU DIWYDIANNOL CYMRU (WIDAB)

Gwneud cais

Diolch am fynegi diddordeb yn y penodiad i fod yn Gadeirydd yr WIDAB. Bydd y Cadeirydd newydd yn rhoi cyngor i Ysgrifennydd y Cabinet ar brosiectau unigol o dros £1 miliwn o'r cynlluniau perthnasol o fewn Cronfa Dyfodol yr Economi. Mae'r Atodiadau yn rhoi manylion rôl y Cadeirydd a manyleb y person, rôl a chyfrifoldebau WIDAB a'r broses ddethol.

I wneud cais ewch i wefan penodiadau cyhoeddus Llywodraeth Cymru yma:

<https://cymru-wales.tal.net/vx/lang-cy/mobile-0/appcentre-3/brand-2/xf-d96e23acd277/candidate/jobboard/vacancy/7/adv/>

I wneud cais am y swydd hon, cliciwch ar swydd wag ac yna cliciwch y botwm 'Gwneud Cais' ar waelod y dudalen ar yr ochr chwith. Y tro cyntaf y gwnewch chi gais am swydd, bydd angen ichi llenwi ffurflen gofrestru ar gyfer system ceisiadau ar-lein Llywodraeth Cymru. Dim ond unwaith y mae angen ichi gofrestru, a thrwy wneud hynny byddwch yn gallu dilyn hynt eich cais, ac unrhyw geisiadau eraill rydych yn eu hanfon, trwy'ch cyfrif.

Ar ôl cofrestru, bydd y ffurflen gais ar gael ichi ei llenwi. I wneud cais bydd angen ichi lanlwytho datganiad personol a CV i adran 'Rhesymau dros ymgeisio' y ffurflen gais ar-lein.

Datganiad Personol

Eich datganiad personol yw'ch cyfle i ddangos sut yr ydych yn bodloni'r holl feini prawf a nodir ym manyleb y person. Chi sydd i benderfynu sut i gyflwyno'r wybodaeth. Fodd bynnag, dylech anelu at ddarparu enghreifftiau manwl sy'n dangos sut y mae'ch gwybodaeth a'ch profiadau yn cyd-fynd â phob maen prawf, ac sy'n disgrifio'ch cyfraniad at gyflawni canlyniad penodol. Byddech yn helpu'r panel dethol hefyd pe baech yn nodi'n glir pa dystiolaeth benodol sy'n berthnasol i ba faen prawf. Mae rhoi paragraffau ar wahân ar gyfer pob maen prawf yn arfer gyffredin.

Ni ddylai'r datganiad personol fod yn hwy na dwy dudalen. Gallai'ch cais gael ei wrthod pe baech yn mynd dros y terfyn hwn.

CV

Sicrhewch fod eich CV yn cynnwys manylion bras eich swydd bresennol neu eich swydd ddiweddaraf a'ch dyddiadau yn y swydd honno. Nodwch unrhyw benodiadau Gweinidogol presennol neu flaenorol.

Amserlen Fras

Dyddiad cau:	01/03/2019
Llunio rhestr fer:	15/03/2019
Cyfweliadau:	29/03/2019

BWRDD CYNGHOROL DATBLYGU DIWYDIANNOL CYMRU (WIDAB)

Datganiad am Amrywiaeth

Mae Llywodraeth Cymru o'r farn y dylai aelodau byrddau cyrff cyhoeddus adlewyrchu'r gymdeithas yng Nghymru – a chynnwys pobl o bob cefndir – i'w helpu i ddeall anghenion pobl ac i wneud penderfyniadau gwell. Dyma pam mae Llywodraeth Cymru yn annog ystod eang ac amrywiol o unigolion i wneud cais am benodiadau i gyrrff cyhoeddus. Rydym yn croesawu'n arbennig geisiadau gan bob grŵp sydd heb gynrychiolaeth ddigonol gan gynnwys menywod, pobl dan 35 oed, pobl o gefndir du, Asiaidd ac o leiafrifoedd ethnig, pobl anabl a phobl lesbiaidd, hoyw, deurywiol a thrawsryweddol.

Cynllun Gwarantu Cyfweliad – Yn Gadarn o Blaid Pobl Anabl

Mae Llywodraeth Cymru yn gweithredu cynllun O Blaid Pobl Anabl ac yn croesawu ceisiadau gan bobl ag anableddau. Mae'r cynllun hwn yn sicrhau cyfweliad i bobl sydd ag anableddau os byddant yn bodloni gofynion sylfaenol y swydd. Mae'r ffurflen gais hefyd yn eich galluogi i nodi unrhyw anghenion penodol sydd gennych neu offer penodol y gall fod ei angen arnoch os cewch wahoddiad i gael cyfweliad.

Manylion Cyswllt:

I gael rhagor o wybodaeth am y broses ddethol, cysylltwch â:

Yr Uned Penodiadau Cyhoeddus

Ffôn: 03000 61 6095 / 03000 25 3762

E-bost: penodiadaucyhoeddus@llyw.cymru.

Am fwy o wybodaeth am rôl y WIDAB a rôl yr Aelodau cysylltwch â Zoe Lewis:

Ffôn: 03000 615761

E-bost: zoe.lewis@llyw.cymru

Os oes angen rhagor o gymorth arnoch chi i wneud cais am y rôl hon, cysylltwch â'r Uned Penodiadau Cyhoeddus ar 03000 61 6095 / 03000 25 3762 neu anfonwch e-bost i penodiadaucyhoeddus@llyw.cymru.

For further information about Public Appointments in Wales, please visit www.gov.wales/publicappointments

Penodi Cadeirydd WIDAB

Disgrifiad o'r rôl a manyleb y person

Rôl a chyfrifoldebau

Bydd disgwyl i aelodau'r Bwrdd ddadansoddi gwybodaeth fasnachol, dechnegol ac ariannol, ac asesu teilyngdod y prosiectau hyn a gwneud argymhellion i Ysgrifennydd y Cabinet.

Fel Cadeirydd y Bwrdd, bydd disgwyl ichi arwain ar drafodion cyfarfodydd y Bwrdd a helpu eich cyd-Aelodau i ddod i gasgliad fel bod modd cyflwyno argymhelliad priodol i Ysgrifennydd y Cabinet. Bydd gofyn hefyd ichi helpu i recriwtio aelodau newydd i'r Bwrdd.

Manyleb y Person

Er mwyn cael eich ystyried, rhaid ichi allu dangos bod gennych y rhinweddau, y sgiliau a'r profiad i fodloni pob un o'r meini prawf hanfodol.

Meini Prawf Hanfodol

- Dealltwriaeth gref o'r cyfleoedd economaidd rhanbarthol, bygythiadau a chryfderau yng ngwahanol ranbarthau Gogledd Cymru, Canolbarth a Gorllewin Cymru a De-ddwyrain Cymru, tra'n gwerthfawrogi'r materion sy'n berthnasol i Gymru yn genedlaethol.
- Y gallu i ddadansoddi ac asesu gwybodaeth fasnachol, dechnegol ac ariannol (yn ysgrifenedig fel arfer) sy'n cael ei ddarparu i gefnogi ceisiadau grant a disgrifio prif gryfderau a gwendidau achosion a'r casgliadau a ddaw iddynt.
- Sgiliau cyfathrebu cadarn a hyder wrth gyflwyno safbwyntiau yn seiliedig ar brofiad penodol.
- Bod yn barod i wrando ac asesu'r cyfraniadau gan gydweithwyr ar y Bwrdd a swyddogion.
- Dealltwriaeth glir o faterion cydraddoldeb ac amrywiaeth ac ymrwymiad iddynt
- Deall Saith Egwyddor Bywyd Cyhoeddus Nolan ac ymrwymo iddynt.

BWRDD CYNGHOROL DATBLYGU DIWYDIANNOL CYMRU (WIDAB)

Meini Prawf Dymunol

Bydd angen i'r Bwrdd hefyd feddu ar aelodau sydd ag arbenigedd a phrofiad yn y meysydd canlynol;

- Twristiaeth a Bwyd
- TGCh, Technoleg Ariannol a Gwasanaethau Digidol
- Deunyddiau a Gweithgynhyrchu Uwch ac Adeiladu cyfoes
- Yr amgylchedd ac economi carbon isel

Y Gymraeg

Mae sgiliau yn y Gymraeg yn ddymunol.

Ffeithiau allweddol am y swydd

Lleoliad:	Cynhelir cyfarfodydd yn Nhrefforest
Ymrwymiad Amser:	Un diwrnod y mis ar gyfartaledd - mwy os oes nifer fawr o achosion (Ar brydiau mae'n bosibl y cynhelir cyfarfodydd anarferol ychwanegol pan fydd ysgrifenyddiaeth WIDAB yn gofyn i aelodau'r bwrdd fod yn bresennol)
Hyd y penodiad:	3 blynedd
Tâl:	£256 y dydd ynghyd â chostau teithio a threuliau rhesymol eraill.

Pwy sy'n gymwys i wneud cais?

Dylai ymgeiswyr hefyd nodi bod bod yn aelod o WIDAB yn swydd sy'n eich anghymhwysio rhag bod yn aelod o Gynulliad Cenedlaethol Cymru o dan Orchymyn Cynulliad Cenedlaethol Cymru (Anghymhwysio) 2015.

<http://www.legislation.gov.uk/cy/uksi/2015/1536/contents/made>

Gwrthdaro buddiannau

Bydd gofyn ichi ddatgan unrhyw fuddiannau preifat a allai fod, neu y gellid dehongli eu bod, yn gwrthdaro â'ch rôl a'ch cyfrifoldebau fel Aelod o WIDAB, gan gynnwys buddiannau busnes neu swyddi o awdurdod y tu allan i'r rôl yn WIDAB.

Bydd unrhyw wrthdaro buddiannau yn cael ei drafod yn y cyfweiliad. Os byddwch yn cael eich penodi, bydd disgwyl ichi hefyd ddatgan y buddiannau hyn ar gofrestr sydd ar gael i'r cyhoedd.

BWRDD CYNGHOROL DATBLYGU DIWYDIANNOL CYMRU (WIDAB)

Safonau mewn bywyd cyhoeddus

Bydd disgwyl ichi ddangos safonau uchel o ran ymddygiad corfforaethol a phersonol. Gofynnir i bob ymgeisydd llwyddiannus gydymffurfio â'r Cod Ymddygiad ar gyfer Aelodau Bwrdd Cyrff Cyhoeddus. Gallwch weld y ddogfen yn:

<http://www.bl.uk/aboutus/governance/blboard/Board%20Code%20of%20Practice%202011.pdf>

Rôl a chyfrifoldebau WIDAB

Cefndir

Wedi'i sefydlu'n wreiddiol o dan Ddeddf Asiantaeth Datblygu Cymru 1975, mae WIDAB yn rhoi cyngor i Weinidogion ac Uwch-swyddogion Llywodraeth Cymru ar faterion sy'n gysylltiedig ag Economi Cymru ac yn eu cynorthwyo yn eu huchelgais i sbarduno twf cynaliadwy a chynhwysol ar draws rhanbarthau Cymru.

Mae Gweinidog yr Economi a Thrafnidiaeth yn ceisio adfywio'r Bwrdd yn dilyn Llewyrch i Bawb: Cynllun Gweithredu Economaidd a'r heriau newydd sy'n wynebu Economi Cymru. O ganlyniad rydym yn ceisio penodi saith o aelodau i helpu'r Cadeirydd sydd newydd ei benodi.

Y Sefyllfa Statudol

Sefydlwyd WIDAB yn wreiddiol o dan Adran 13 Deddf Datblygu Diwydiannol Cymru 1975 ("Deddf 1975") i roi cyngor i'r Ysgrifennydd Gwladol ar gymorth ariannol i'r Diwydiant ac roedd yr un adran yn ei gwneud yn ofynnol i'r Ysgrifennydd Gwladol benodi aelodau gyda phrofiad a chapasiti penodol.

Roedd swyddogaethau a dyletswyddau yr Ysgrifennydd Gwladol mewn cysylltiad â WIDAB o dan Adran 13 Deddf 1975 wedi eu rhoi i Gynulliad Cenedlaethol Cymru drwy Erthygl 7 o, ac Atodlen 1 i, Orchymyn Diddymu Awdurdod Datblygu Cymru (Trosglwyddo Swyddogaethau i Gynulliad Cenedlaethol Cymru) 2005 (O.S. 2005 / 3226 w. 238) ("Gorchymyn 2005"). Mae'r swyddogaethau hyn o ganlyniad wedi'u rhoi yn uniongyrchol i Weinidogion Cymru yn rhinwedd paragraff 30 o Atodlen 11 I Ddeddf Llywodraeth Cymru 2006. Ysgrifennydd y Cabinet dros yr Economi a Thrafnidiaeth sy'n gwneud argymhellion i'r Bwrdd.

Er mai cyngori yw swyddogaeth y Bwrdd, os yw yn gwneud argymhellion i Weinidog yr Economi a Thrafnidiaeth a bod y gweithredu yn groes i'r argymhelliad, gall y Bwrdd ofyn am i ddatganiad gael ei gyflwyno gerbron y Cynulliad ynghylch y rheswm dros y newid yn y penderfyniad.

Mae unrhyw gynigion am gymorth yn destun, o dan Gytuniad Rhufain, i gymeradwyaeth y Comisiwn Ewropeaidd. O ran ymarferoldeb wrth weinyddu, mae'r CE wedi cymeradwyo y mathau o gymorth y caiff y Bwrdd gyngori yn eu cylch ac wedi dirprwyo'r awdurdod i wneud penderfyniadau ar geisiadau unigol yn amodol ar gyfyngiadau penodol.

BWRDD CYNGHOROL DATBLYGU DIWYDIANNOL CYMRU (WIDAB)

Rôl y Bwrdd

Yr hyn sy'n ganolog i swyddogaeth WIDAB yw rhoi cyngor i'r Gweinidog ar brosiectau unigol o dros £1 miliwn o'r cynlluniau perthnasol o fewn Cronfa Dyfodol yr Economi. Y Cynlluniau statudol i'w cyflwyno i'r WIDAB yw:

- Cynllun Diogelu'r Amgylchedd
- Buddsoddi Cyfalaf a Chymorth ar gyfer Creu Swyddi
- Y Cynllun Cymorth Buddsoddi mewn Twristiaeth

Yr hyn fydd yn ganolog i swyddogaeth y Bwrdd fydd dealltwriaeth o'r Cynllun Gweithredu Economaidd sy'n ceisio hyrwyddo twf cynhwysol a sicrhau bod yr holl fusnesau sy'n derbyn cymorth gan Lywodraeth Cymru wedi ymrwymo i amcanion Llywodraeth Cymru.

Mae'r amcanion hyn yn llunio pileri y Contract Economaidd newydd, ac mae'n rhaid i fusnesau yng Nghymru gyflawni yn erbyn y delfrydau hyn. Sef;

- Potensial cwmni i ddatblygu
- Eu hymrwymiad i waith teg
- Cynnydd tuag at leihau eu hól troed carbon
- Hybu iechyd a lles gweithwyr

Bydd yn ofynnol i unrhyw fusnes sy'n galw am gymorth ariannol uniongyrchol ddatblygu cynigion sy'n ymateb ac yn cyd-fynd ag o leiaf un o'r Galwadau i Weithredu, sydd wedi'u rhestru isod;

- Datgarboneiddio
- Arloesi, Entrepreneuriaeth a Phencadlys
- Allforio a Masnachu
- Swyddi o Ansawdd Da, Datblygu Sgiliau a Gwaith Teg
- Ymchwil a datblygu, Awtomeiddio a Digideiddio

Bydd dealltwriaeth dda o'r Cynllun Gweithredu Economaidd yn hanfodol er mwyn rhoi cyngor o safon uchel i Weinidog yr Economi a Thrafnidiaeth.

Y broses ddethol

Bydd y panel cyfweld yn asesu CV a datganiad personol pob ymgeisydd i benderfynu pwy sy'n bodloni'r meini prawf ar gyfer y rôl orau, a phwy fydd yn cael eu gwahodd i gyfweliad. Bydd y panel yn dibynnu ar yr wybodaeth yn eich CV a'r datganiad i asesu a ydych yn meddu ar y sgiliau a'r profiad gofynnol. Gofalwch felly eich bod yn darparu tystiolaeth sy'n dangos sut yr ydych yn bodloni'r holl feini prawf hanfodol.

Gan ddibynnu ar nifer y ceisiadau a ddaw i law, efallai y bydd eich cais yn cael ei roi ar restr hir cyn cael ei roi i'r panel sy'n llunio rhestr fer i'w ystyried. Dylech fod yn ymwybodol efallai na fydd eich cais yn cael ei ystyried yn llawn gan y panel cyfan mewn sefyllfa fel hon.

Rydym yn rhagweld y bydd y panel wedi penderfynu yn ystod mis Mawrth pwy fydd yn cael eu gwahodd i gyfweliad ym mis Ebrill.

Bydd y panel dethol dan gadeiryddiaeth Sioned Evans a bydd hefyd yn cynnwys Jason Thomas a Kevin Beevers, Cyfarwyddwr Benthycyca Masnachol Hodge Bank fel Aelod Annibynnol o'r Panel.

Dim ond yr ymgeiswyr cryfaf y mae'r panel yn credu sydd wedi dangos eu bod yn bodloni'r meini prawf a nodwyd yn adran manyleb y person orau fydd yn cael eu gwahodd i gyfweliad. Er hynny, os ydych wedi ymgeisio o dan y cynllun gwarantu cyfweliad, a'ch bod yn bodloni'r meini prawf hanfodol ar gyfer y swydd, byddwch hefyd yn cael eich gwahodd i gyfweliad.

Os cewch eich gwahodd i gyfweliad ac os nad ydy dyddiad y cyfweliad wedi'i ddarparu eisoes yn y pecyn gwybodaeth, byddwn yn ceisio rhoi cymaint o rybudd â phosibl ichi o ddyddiad y cyfweliad. Os na fyddwch yn gallu dod i'r cyfweliad a drefnir, byddwn yn gwneud ein gorau i ail-drefnu. Fodd bynnag, efallai na fydd hyn yn bosibl oherwydd y cyfyngiadau amser yn yr amserlen ar gyfer penodi, a bydd yn dibynnu hefyd ar argaeledd y panel dewis.

Bydd y system Penodi yn anfon e-bost atoch i roi gwybod ichi a fyddwch wedi cael eich gwahodd i gyfweliad ai peidio. Rydym yn bwriadu cynnal y cyfweliadau yn Adeilad QED, Trefforest.

Os cewch eich gwahodd i gyfweliad, bydd y panel yn eich holi ynghylch eich sgiliau a'ch profiad ac yn gofyn cwestiynau penodol i asesu a ydych yn bodloni'r meini prawf a osodwyd ar gyfer y swydd ai peidio. Bydd astudiaeth achos a bydd gofyn ichi roi sylwadau arno a rhoi argymhelliad.

Bydd yr ymgeiswyr y bydd y panel yn credu sy'n addas i'w penodi yn cael eu hargymell i'r Gweinidogion, a fydd yn gwneud y penderfyniad terfynol. Caiff y Gweinidog ddewis cyfarfod â'r ymgeiswyr hyn cyn gwneud penderfyniad. Os felly, bydd yn cyfarfod â'r holl ymgeiswyr ym mhresenoldeb cadeirydd y panel neu eu cynrychiolydd enwebedig. Bydd bwloch amser rhwng y cyfweliad a'r penderfyniad

BWRDD CYNGHOROL DATBLYGU DIWYDIANNOL CYMRU (WIDAB)

penodi terfynol. Bydd yr ymgeiswyr a gafodd eu cyfweld yn cael yr wybodaeth ddiweddaraf.

Os byddwch yn llwyddiannus, cewch llythyr yn eich penodi'n Gadeirydd WIDAB, a bydd y llythyr hwnnw hefyd yn cadarnhau o dan ba amodau y caiff y penodiad ei gynnig ichi.

Os na fyddwch yn llwyddiannus yn dilyn eich cyfweiliad, bydd Llywodraeth Cymru yn rhoi gwybod ichi. Rydym yn gwerthfawrogi bod angen llawer o amser ac ymdrech er mwyn ymgeisio am swyddi, ac felly mae rhoi adborth yn rhan werthfawr o'r broses. O ganlyniad, bydd y llythyr yn cynnwys manylion yr unigolyn y gallwch gysylltu ag ef i gael adborth ar eich cyfweiliad a'ch cais, os dymunwch wneud hynny.

Ymholiadau

Os oes gennych gwestiynau ynglŷn â'ch cais, cysylltwch â'r Uned Penodiadau Cyhoeddus ar 03000 61 6095 / 03000 25 3762 neu anfon e-bost at penodiadaucyhoeddus@llyw.cymru.

Os nad ydych yn hollol fodlon

Mae Llywodraeth Cymru yn ceisio prosesu'r holl geisiadau mor gyflym â phosibl a thrin pob ymgeisydd yn gwrtais. Os oes gennych unrhyw gwynion am y ffordd y deliwyd â'ch cais, cysylltwch â'r Uned Penodiadau Cyhoeddus ar 03000 61 6095 / 03000 25 3762 neu anfon e-bost at penodiadaucyhoeddus@llyw.cymru.